

## **JOONN**

### **gbouj nba pukin ntantaa ki u din sob nae na**

*Ki jiiin 3 Joonn gbouj na po*

Joonn nba din tee Masiaweira saakoo nae sob gbouj nba pukin ntantaa na ki teen tooondaano nba sann tee Gayus na. Sobtoo na din dont Gayus-e nan waa mok sommir nba ki teen Masiaweira na, ki bia tee kpaanii ki jiiin biit daano nba ki bi yiu Diotrefes na po.

<sup>1</sup> Min Joonn nba tee Masiaweira saakoo nae sobin gbouj na ki teen n yook Gayus, fine ki n nian nan monii.

<sup>2</sup> N yook, n mei Yennu a paak a fii mok laafia, ki a bont kur n somm fanu nan a seek nba be fanu Yennu boor bianjinba na. <sup>3</sup> N mok parpeenn bonchiann nan ti naa wasiat nba daan baar, ki tan betin faa waa Yennu barmonii wannu na bianjinba, ki a benu nae bia want li sonu nan monii. <sup>4</sup> Siar ki penn n par ki mantik baar maa gbat a n waas waa wannu nba took na.

*Ki jiiin Yiisa barjanii moontii damm sommir po*

<sup>5</sup> N yook, faa sommit ti naa waas, nan binba lek tee saamm na, a tuun linba nane. <sup>6</sup> Baa tuu baar Masiaweira lakinu ni yoo nba, bi tuu tiar a burchint man po. Li paak, bi-i tuu kii baar a boor, ki a nammit bi sonii ki sommitibie, nann a tuun bonnane na. Ii diab bonnann kimaan bi tee Yennu yabe. <sup>7</sup> Laa tee Yiisa sann paak

nae ki bi lin moontir u maan maŋ, ŋaan ki ki gaan siar binba ki tee Masiaweira na boori, <sup>8</sup> li paak, timm Masiaweira ŋarin, li kpa a talase nan tii gaan li ni booru saauŋ. Ŋanne saa te ki timm nan ŋamm-ii chentir Yiisa barmonii na wannu moontii.

*Ki jün joo nba ki bi yiu Diotrefes na po*

<sup>9</sup> N poŋ mi so b barsai nna ki tur Masiaweira nba be a boor na, ŋaan ki Diotrefes yeen n mo b, kimaan u loon wun pur u moŋ nijaanne. <sup>10</sup> Li paak, mi-i taŋi baar, n saa fiit linba kur ki u tun, ki li tee bonbiir nan faak nba ki u pak biirit na. Ŋaan biit nba ki u tuun maŋ, li lek daa ki gboo u nummu. Ti naa waas nba tuu baar u boor na, u tuu ki gaanibi, ki damm nba tuu loon bin gaar ti naa waas maŋ saauŋ, u bia tuu ber nyinnib Masiaweira lakinu maŋ nie.

<sup>11</sup> N yook, daa tokii so toonbiiti, ŋaan kii tuun linba ŋan. Wunba tuun bonŋann, u tee Yennu yoe; ŋaan wunba tuun toonbiit, u ki bann Yennu.

*Ki jün joo nba ki bi yiu Demetrius na po*

<sup>12</sup> So kur piak Demetrius-e; ki u benu nae want nan u waa barmonii wannu; ki ti moŋ mun piako; ki a mi nan ti set tee barmonii damme.

*Foontjoontii*

<sup>13</sup> N mok maan bonchiann ki loon ki n pak tura, ŋaan n ki loon ki n sobir gbouŋ ni kaa ki turani. <sup>14</sup> Ŋaan n mok dindann nan n saa baar ki la-a daa ŋanlelee na, ki tin pak nan leeb.

<sup>15</sup> Parmaasir-ii be a paak. Ti yɔɔsnba foonta. Ti yɔɔsnba nba mun bia be a boor ni na, a foontib yeno yeno.

**Yennu Gbouj Moor**  
**Bimoba: Yennu Gbouj Moor Bible**

copyright © 2003 Wycliffe Bible Translators, Inc.

Language: Bimoba

Contributor: Wycliffe Bible Translators, Inc.

All rights reserved.

2020-11-16

---

PDF generated using Haiola and XeLaTeX on 21 Feb 2024 from source  
files dated 29 Jan 2022

00d89ba0-4677-52d9-9bc5-aa3d7c5c966d